

समे – 12:25

<><><><><><>

PM Kuwait Visit

प्रधानमंत्री नरेन्द्र मोदी अज्ज कुवैत दे युवा शहजादे हुंदे कन्नै बैठक करडन। ओह कुवैत दे प्रधानमंत्री हुंदे कन्नै शिष्टमंडल स्तर दी गल्लबात बी करडन। श्री मोदी होर कल द'ऊं दिनें दी जात्तरा पर कुवैत पुज्जे हे। एह पिच्छले 43एं ब'रें च कुसै भारती प्रधानमंत्री हुंदी पैहली कुवैत जात्तरा ऐ। उंदी एह जात्तरा कुवैत दे अमीर हुंदे साददे पर होआ करदी ऐ। कल मोदी होरें कुवैत शैहरा च इक विशेष आयोजन च भारती समुदाय दे लोकें गी सम्बोधित कीता। उनें आखेआ जे कुवैत दे विकास ते भारत-कुवैत सरबंधें दी मजबूती च भारतवंशियें दी बड्डी भूमिका रेई ऐ। प्रधानमंत्री होरें भारतवंशियें गी प्रवासी भारती दिवस ते अगले म्हीने आयोजित होआ करदे महाकुम्भ मेले च भागीदारी लेई साददा दित्ता।

<><><><><><>

NIA

राष्ट्रीय जांच अजेंसी एनआईए नै प्रतिबंधित आतंकवादी संगठन हिजबुल मुजाहिद्दीन कन्नै सरबंधत 2 लोकें खलाफ आरोप पत्र दाखल कीता ऐ। एह मामला थेआर ते विस्फोटक दी जब्दगी कन्ने जुड़े दा ऐ। आरोपी उल-जहूरउ उस गड्डी डरैवर ते जेह्दे थमां विस्फोटक असला ते बरूद बरामद होआ हा ते मुबशर मकबूल मीर इस षड्यंत्र च शामिल हा ते ओह पाकिस्तान आधारित हिजबुल मुजाहिद्दीन दे आकाएं दे संपर्क च हा। 30 जून 2024 गी एह बरामदगी कीती गेई। बारामुला दे माछीपोरा इलाके च सुरक्षाबलें इक नाका लाया जित्थुआं एह बरामदगी होइ ही। इस मामले च अगड़ी जांच कीती जा'रदी ऐ।

<><><><><><>

Joint Operation

सेना जम्मू कश्मीर पुलस ते सीआरपीएफ आस्सेआ बांडीपोरा दे छनपोरा इलाके च इक सांझे तौर पर अभियान चलाया गेआ। इस दरान सुरक्षाबलें इक यंदिग्ध व्यक्ति थमां इक पिस्तोल, हथ गोला ते होर दुआ समेयान बरामद कीता ऐ। इक टकोहदी खूफिया जानकारी पर

कारवाई करदे होई सुरक्षाबलें इक नाका लाया ते इस व्यक्ति गी गिरफ्तार कीता। पुलस आस्सेआ मामले दी अगड़ी पड़ताल कीती जा'रदी ऐ।

<><><><><>

LG-Dogri Maanta Diwas

डोगरी मान्यता दिवस दियां उपराज्यपाल मनोज सिन्हा होरें खित्ते दे लोकें गी शुभकामना दित्तियां न। अपने इक सोशल मीडिया पोस्ट रू उपराज्यपाल होरें सब्बने गी डोगरी मान्यता दिवस दियां मुबारकां दित्तियां। अपने सनेह च उनें आखेआ जे डोगरी भाषा, ज्ञान, संस्कृति, विचार ते कल्पना दी असीम दुनिया खेआंदी ऐ ते असेंगी अपनी जड़े कन्नै जोड़दी ऐ। अस सब्बनें गी डोगरी भाषा दे विकास लेई रलियै कम्म करने दा प्रण पाना लोड़चदा।

<><><><><>

Dogri Manyta Diwas

समूलचे जम्मू संभाग च अज्ज डोगरी मान्यता दिवस मनाया जा करदा ऐ। डोगरी भाषा गी भारती संविधान दी 8मीं सूची च शामिल कीते जाने ते इसी इक राष्ट्री भाषा बनाने दे चेतते च एह ध्याड़ा हर ब'रे मनाया जदा ऐ। इस सरबंधै च अज्ज जम्मू संभाग च केई सारे कार्यक्रमें दा सरिस्ता कीता जा करदा ऐ। डोगरी मान्यता दिवस दे सरबंधै च डोगरी संस्था जम्मू आसेआ बी इक समारोह दा आयोजन कीता गेआ। इस मौके पर मन्नी-परमन्नी दिएं शख्सियतें ते कलाकारें डुग्गर दी सगोसार संस्कृति ते भाषा गी बढ़ावा देने दे महत्वै पर लोऽ पाई।

<><><><><>

JMC Street Lights

जम्मू नगर निगम नै शैहरे दिएं गलिएं च खम्बे पर लाइटां लाने सरबंधी ढांचे गी होर बेहतर करने लेई केई गैह पुटिटयां न। इनर्जी एफीशैंसी सर्विस लिमिटेड कन्नै इक नमें जतन तैहत् जेएमसी नै 3 ज्हार 570 स्ट्रीट लाइटां हासल कीतियां न तां जे शैहर दी स्ट्रीट लाइट सरबंधी जरूरतें गी पूरा कीता जाई सकै। जम्मू नगर निगम नै आयुक्त डॉ. देवांश यादव होरें आखेआ जे एहदे कन्नै सुरक्षा दी भावना बधोग ते लोकें गी रातीं लै गलिएं च निकलदे होई रस्ता दिक्खने च बी सौख होग।

<><><><><><><>

Women Cricket

महिला टी-20 एशिया कप दे खिताब मकाबले च भारत दी अंडर-19 महिला टीम नै बंगलादेश गी 41 रंज कन्नै हराई दित्ता ऐ। एह मैच मलेशिया दे क्वालालेपुर च होआ। 118 रंज दे लक्ष्य दा पीछा करदे होई बंगलादेश दी टीम 18 ओवर ते 3 गेंदें च 76 रंज बनाइयै ऑल आउट होइ गई।

<><><><><><><>

Weather

जम्मू कश्मीर च सीत लैहर दे चलदे ठंडू दा प्रकोप लगातार बधदा जा करदा ऐ। जम्मू घेटोघट्ट तापमान 5.4 डिग्री सैल्सियस इर्ज कीता गेआ ऐ। मौसम विभाग नै आम तौरा पर मौसम दे खुश्क रौहने दी पेशगोई कीती ऐ। उच्चयां धारें पर शिड़कें पर बर्फू आले हालात ते तापमान सिफर थमां हेठ रौहने करियै सैलानिएं ते यात्रुएं गी सलाह दित्ती ऐ जे मैह्कमे आस्सेआ जारी कीते गेदे दिशा-निर्देश दी पालमा करन।

<><><><><><><>